

摘藻堂四庫全書薈要

集部

欽定四庫全書薈要卷一萬三千三百十三

集部

御製詩初集卷四十

古今體一百首

丁卯四

雨後圓明園

三月廿六日

園亭標淨爽花木長精神  
幸爾過愁雨猶然及踐春  
茶來南國貢鴈去北天賓  
漫惜韶光促清和亦可人  
水郭連山野農功周覽知  
麥烟初冪際穀雨乍過時  
底用翻車引行看秧馬騎  
千愁消一夕合有識懷詩

對景真佳矣看山總沃如曉寒輕料峭大塊善吹噓畫  
棟差池燕文波撥刺魚幾閒心稍適一試裏綿書

東沼含烟渺西軒挹翠來所欣町綠重那惜榭紅摧水  
面鷗眠絮階心鶴步苔詩懷滋雨後濡筆待恢臬

題王詵瀛海卷

海上三山遠隔塵雲屏霧障玉嶙峋底緣紛見擎舟侶  
想共君房採藥人

都尉由來閱閱家詩情畫意足烟霞飽叅玉局心如月

遠謝安期棗似瓜

漫云海水變桑田一例鷗汀鶴嶼邊  
歷歷肄農還學圃  
但心閒者合稱仙

燕文貴匡廬清曉圖

雲峯天外矗秋景曉來宜鴈閣棲霄漢  
虹橋飲水湄錦  
林扶藪薜珠瀑落嶽崎恍憶銀河畔  
青蓮得句時

牡丹

殿春朶倚翠雲團雨後憑欄一笑看  
藻繪那能傳月貌

評量雅合冠花壇慢稱京洛名尤重信是東皇技畢殫  
絕勝常年相對處錦苞猶滴露闌干

進宮齋戒西直門道中作

霽煙低傍御街寬帷揭輕輿破曉寒綠潤町畦欣望處  
都因一雨便殊觀

隴麥青蔥穀吐芽桔槔無藉慶農家香風餅餌吹來好  
早見炊煙幾縷斜

迤邐蘭衢來往便每教停蹕問公田為農愁苦因農喜

不識年華幾轉旋

海天羣鶴歌題余省畫

余省畫鶴鶴其性前身應是款鶴師在陰鳴和過幽寂  
海天羣戲放筆為奔機角睐豈所論上下左右無不宜  
海上三山隔塵世向聞其名今見之蒼松越萬載一色  
輪囷撐突虬龍枝是處豈可居別物舍胎仙也其奚誰  
合羣休息信得地分形飲啄各出奇惠然而來翩然往  
怡情欲赴中復疑莎坭予于印古篆雲路振迅披銖衣

擢距延頸若有抗髀頰聒耳咸知時引吭彈舌振空谷  
婆羅叫梵非笙絲昂然黃鶴獨超絕不與衆侶相追隨  
松巔偃蹇若少憩疑被文偉方騎歸衛軒不慕腐鼠嚇  
阿閣還輕圖錄垂景昭名蹟存寶笈

石渠寶笈有邊景昭胎仙圖長卷

師承有自青出而胸中萬態猶未盡與鶴終始難窮期  
太液池泛舟

玉竦橋頭駐六驄溶溶太液一舟通苑花隄柳添烟景  
弱葦新蒲出露叢

煙中樓閣座中移  
雨後風光慰後思  
憂慮勾消詩數首  
清和恰似去年時

潏沆澄波疊翠涵  
天光雲影適來參  
獨春依葦毯毯白  
遠嶂疎眉淡淡嵐

樹沃濃青花發紅  
疇人占節報南風

是日立夏欽天監  
奏南風占云五穀

熟一般西苑經行處  
却與前朝迥不同

二十日幸圓明  
園停蹕西苑傳

膳正望  
雨際也

自警言



有所畏則矜不生見其難斯恃不行雨暘時而畏者釋  
吾懼矜念之將盈臨蒞久而難者易吾憂可恃之致傾  
懍懍乎惴惴乎如臨深淵履薄冰因取昌黎之言以自  
警曰憂其所可恃懼其所可矜

三月二十九日作

花扶日影上蝦鬚圖史尋披味道腴愜志多緣欣雨足  
閒尋邨復惜春徂元亨默體消而息空色從來有若無  
賸得祈年心獨切頻教豐歉繫憂愉

孟夏時饗

太廟

太室穆清地明禋孟夏辰歲時展殷薦

祀事重躬親曙色分籩豆卿雲擁袂振駿奔森玉葉一本溯天倫

題趙孟頫雙松平遠圖

盤拏古幹秋雲表寒空極目霜天曉磊砢白石護其根  
棘枝間出麻姑爪童童埽壩相扶持下臨仄澗碧環繞

會心因憶孟氏言二老天下之大老

題年益擣衣卷用謝惠連擣衣詩韻即效其體

涼飈颯蕭瑟節序忽已催  
絡緯吟露莎鴨鵝棲夜槐佳  
人未忍眠顰眉黯如啼舉首見明月攬衾對空閨憶遠  
各呻吟命侶聊招攜尺素出文笥平砧列閒階女伴強  
笑言默喻中懷哀長短准舊度袵襲別新題不裁雙鴛  
鴦留待君子歸王風咏執箠七月塵授衣圖史堪起予  
往復卷更開高咏惠連詩遑問學步非

夜雨

四月朔日

已見郊原雨沛靈又逢離畢叶占星及時膏澤催耕亟  
徹夜簷聲歌枕聽戟戟錦棚應矗紫溟溟畫幘更滃青  
明朝封事疇咨處

次日御門

志有同然慰在庭

御門

凌晨御內朝咨接羣彥嘉言孰予告庶政惟爾贊稍  
釋望雨愁未愜求治願周公古元哲猶坐以待旦欽哉  
與日深敢恃

天恩眷

賦得楊花

又見楊花舞清和節令初紛紛豈有辨去去總乘虛  
頽迷狂燕噏喁引醉魚詩題供雨後畫景稱春餘憎愛  
全無繫飄沉任所如莫教頻點硯鎮日籠紗疏

瓷雁

好在沙頭溪嘴那勞月宿霜征有質奚憂矰繳不材無  
慮包烹烹

錢選秋江待渡圖

白露泣菰蒲秋煙暝碧湖勞情定誰氏矯首賦卽須倒  
影山銜翠欺霜楓染朱底誇航葦渡彼岸却成殊

曹知白十八公圖

擢榦森霄漢盤根育茯苓淮南初得號塞北早傳形誰  
結三冬友孤標萬古青天風吹謾謾擬擬搆韻松亭

御花園首夏

宿雨輕烟罨綺櫺尚餘春色博山屏蒼松四季曾無改

也覺虬枝分外青

一陣香風遞玉墀却緣錦綻墨辛夷幾餘點翰消繁慮

幸似去年倚檻時

去年首夏亦已得雨

婪春破夏日方永委砌節簾絮正紛最是常年添悶處  
底教觸目總成欣

格物

風人咏芍藥而未逮牡丹甚盛始李唐名譟河洛間拈  
毫品花者著眼徒拘牽強與分君臣耳食踵訛傳其實

本一種亦無相後先

廣羣芳譜牡丹秦漢以前無考唐開元中始盛云

試看四

生類皆自盤古權豈其於芍藥而乃特異焉其本殊草木始蓋受於天木者早發華錦苞誠麗妍香氣或稍遜凋零迅可憐草者每後時朶讓鼠姑鮮艷香乃過之榮常兩月連豐此嗇於彼萬物理固然格物有會心因以成詩篇

藤蘿

深含姹紫淺含紅對處偏宜細雨濛  
奚啻帶垂還髮卷



去歲詠花園藤蘿有匪  
伊垂之帶有餘之句

每攜春色見薰風  
施松似聽鶴

彈舌壓架還招蝶  
遶叢細與評量惟兩字風流卉裏孰  
能同

商琦嵩陽訪真圖

松風朗助步虛詞  
少室峯前曳杖遲  
童子抱琴那解譯  
胎仙髀耳却知時  
白雲滄渚丹臺靜  
青嶂穹窿鐵鎖垂  
玉簡倘逢論位業  
不教海上覓安期

霄祭齋居

勤民重農功稽典肇

雩祭

雩祭向未舉行乾隆八年始議歲一舉行逮今凡五年矣

聖訓必躬親頻年謹

從事北方春旱多率似成常例龍見未屆期祈請先小

祀

叶龍見而雨向年每以不能待時先命禮部祈雨於諸小祀以次舉行

南郊步禱時

九年以無雨於雩祭日自齋宮步禱

忸怩責躬備去歲蚤邀

眷首夏甘霖賜麥無禾則有已是叨

明惠今年乃更幸膏澤春常暨孟夏月之朔優渥遠爾

逮撫時舉常

雩齋居切虔致受寵宜若驚此理無巨細廣殿引薰風  
杲思晃新霽慰懼兩相縈要矣終年計

齋宮疊去歲對雨有作原韻

預日臨齋所前朝足好霖綠鋪新草色翠幕古槐陰  
天貺承逾惕民情靜可斟適然相合處去歲此時心

新月

新月生西方盈匡度可揣欽天精其數常人昧茲旨謂  
月向西行豈有就東理試看蛾眉時常自申位始既至

輪滿夕則在外宮矣所見向西者蓋不由乎已古人有  
精喻謂磨盤走蟻

聞鳩

齋宮作

豈是安排靜六情清齋自覺道心生綠郊剛喜含煙潤  
又聽鳴鳩喚雨聲

雩祭禮成有述

占星龍見後應節雨露初上祀虔

郊薦崇壇仰

帝車將將陳俎豆濟濟列簪裾念匝三時遠誠殷九奏  
餘瑞雲籠日淡祥燎引風徐連歲邀  
隆貺欽承更惕如

御園初夏

法宮廣殿致齋迴水榭山堂得雨纔茂對清和勝徃歲  
西峯又復送青來

飛絮遊絲撲綺寮錦階花色嫩如澆誰知偶爾拈吟處  
偷度春風倏幾朝

蕩漾煙光霽景霽拍浮新漲半含堤最憐北遠山村外  
翠剡新秧已插齊

老翁犁把耕新潤弱婦筐鉤伐遠揚常在豳風圖畫裏  
那能辛苦忘農桑

猊噴薄霧簾含波林外金衣宛轉歌贏得幾餘罷愁雨  
好因平秩驗南訛

魚跳遠浪珠千點燕徹新泥玉一窩看到自然該物理  
越深顥若奉天和

郎世寧撫元人秋林羣鹿圖

秋半雪毛茸伊尼聚曉春寢訛咸自適羣友各相從霜  
葉疎還密朝煙散轉封興賢宵雅意載咏寄遐悰

漢玉璧

本來猶是崑岡石一片紅雲變英白入土出土千年易  
形如滿月逕逾尺天然豈有剛刻迹為穀為蒲不可識  
鼃采內藏土華蝕庇蔭嘉穀此其德特達廉貞壽而澤  
宜登宣室之筍席

對雨

灑空時作雨絲絲潤逼園林首夏時倚檻靜聽寒幔望  
聲聲色色總相宜

鱖魚出水羣承沫紫燕翻空競掠珠一例都含喜雨意  
物猶如此況人乎

數日未逾十日度

時四月七日

祈年恰似去年心

去年春旱入夏即得

時雨今歲較去歲為尤幸云

黍高稻下均含澤茂對清和意倍欽

夜雨



雲容傍晚濃淅瀝更春容簷滴疎而密衾寒薄以重潤  
添長畝麥聲間遠村鐘慰後籌量處年來得幾逢

倣宋人梅花詩意卷各題以句

枝橫却月觀花遶凌風臺

何水部遜

東海有文人高風工吐納恰如橫月枝標花在嚴臘格  
稱少而能韻復蕭且颯質麗兩不傷清濁一以合故宜  
忘年交沈范欣朋盍

為君援筆賦梅花未害廣平心似鐵

宋廣平璟

開元賢相傳芳規博學工文乃餘事已辦和羹商鼎調  
何妨作賦偶遊戲梅花本來心似鐵惟其有之言故備  
我聞所好性相近朱赤墨黑從其類不見開元欲未姚  
宋死乃有沉香亭畔牡丹叢裏楊妃醉

巡檐索共梅花笑冷蕊疎枝半不禁

杜工部甫

忠君愛國之意鯨魚碧海之辭萬里風煙之地三冬落  
莫之時雖傲寒如梅也亦將有所不禁而先生處之若  
夷獨巡檐而索笑無懷氏之民歟葛天氏之民歟夫何

不宜

疎影橫斜水清淺暗香浮動月黃昏

林和靖通

宋故多儒孰稱深造懿哉君復名不自表林宗之儔風

清月皎有如時雨化物起槁不藥而愈不食而飽

二語出渭

南集汗牛充棟梅詩豈少兩句千古誰不傾倒絕類離倫

一班可曉敬拜下風宜乎米老

米元章有林處士讚

多情立馬待黃昏殘雪消遲月出早

蘇東坡軾

黃昏立馬凍溪邊寒逼霜髯從耳兩肩只為詩裁羞讓古

不教花品獨稱仙  
蠻江瘴嶺何人問  
冷骨幽香各自憐  
消得色聲香味觸  
月明如鏡好參禪

獨立晚風香滿袖  
無人同詠一枝春

黃山谷  
庭堅

山谷書如張長史  
其詩亦學李王孫  
奚奴挈梅詩意足  
奚童錦囊留墨痕  
梅乎人乎其同一  
精神乎底用多言

清香侵硯水  
寒影伴書燈

張宛  
丘來

脩然纈玉枝  
斐几對支頤  
影共寒燈瘦  
香偏鼻觀宜  
不須觀舞劍  
乍可助臨池  
底復凝神坐  
停毫結搆時

醉中忘却頭邊雪斜插一枝歸竹籬

陳簡齋與義

春光消息竹籬尋新格斜抽軟玉簪侵鬢莫嫌多雪色  
雪於梅是舊知音

叮嚀說與水邊人從今日報花消息

曾茶山幾

高士必好梅試問何緣因梅豈待高士而後益精神天  
然契合處不可叅根塵偶讀茶山詩令我思其人

智愚

智愚愚智定何殊鶴脰休將續彼鳬條忽鑿而混沌死

小聰明是大糊塗

新筍

渭南梢已綠，冀北苞方紫。因憶忘年交，不妨皆君子。  
宿雨潤蘭谿，怒生一日齊。試看分寸際，便爾異雲泥。  
為愛干雲意，寧為清夏供。長松將古鶴，早與結高踪。  
戢戢龍新角，依依鳥重枝。栽培生意在，造物本無私。

暢春園之純約堂

皇祖時所建也。朕既奉

皇太后駐蹕於此因略為修葺以供夏清落成侍宴敬

成近體

軒榭貽

皇祖佳名純約垂清溫奉

慈豫丹雘映振施今日成新落清和正好時指山傾北  
斗俯水是西池麗景牕中納瑤圖座上披即看階砌畔  
應茁萬年枝

浴佛日疊去歲韻

廉纖夜雨枕邊傳

天眷常承獨厚焉，饒有對時增惕若。那無撫節慶油然。

晬盤嘉祉徵圖錄

去歲中宮生子今日適逢週晬

佛鉢良因自竺乾。恰

憶去年得句日，果然歲歲結為緣。

浴佛日有結緣之俗去歲詩云額手但知

豐是瑞顯祈歲歲結為緣之句

結緣

此日結緣日，借問緣為何如。彼澄潭水風過，生微波波。本無心生風，豈有意過。曾聞佛經云：世界成娑婆茵席。



與冀溷因果理則卮大士解脫船為渡癡愛河求解不  
可得况復結網羅或緣弟子輩踵事傳其訛漫謂結善  
緣世得度者多楊葉止啼見恐為惡之因

清暉閣松籟

清暉閣前九株松綠釵經雨何菁蔥童童入夏覆佳蔭  
謾謾傍午吟清風唱于唱喁相前後琴筑金石無不有  
黃鸝巧囀巴人曲何必雙柑與斗酒耳根淨後悟憂樂  
憂憎樂愛誰因託年來年去憂樂中九株松自清暉閣

晴

時雨既霑濡新晴亦和煦微風湊輕涼清氣豁天宇循  
隄步繁陰傍壠看膏土稻秧插將齊麥穗含將吐憶我  
屢年來飽識望霖苦今年乃何幸邀貺厚且普豈有協  
和功益勉憂勤所三時尚遙遙慰意敢自詡

鶯

漸覺綠陰稠旋聽報栗留似含時雨潤却借好風流夏  
入如相識春徂了不愁遼西誰復夢送響任高樓

池上居

槐日風清候壺天池上居潤含新樾重爽挹午窓虛古  
調彈聲鶴天機唼浪魚底須費穿鑿水到自成渠

乍見錦綳勻旋聽綠玉敲有堂如白傅不雨度西郊轉  
樹鶯求友啣莎雀補巢一泓相對處無慮置杯膠

軒楹俯碧流鑑影座中浮堪納水雲意底論大小舟風  
前饒乳燕雨後尚鳴鳩暇日無餘事新題每見投

題陸治松壑閒居圖

山樓據勝見山多樓下秋江疊翠波得得扶筇定誰氏  
元都道士訂相過

唐棣朔風飄雪長幅

水如銀度燭還流誰放山陰訪戴舟佳趣不教漁父占  
都官漫道好詩留

河南得雨誌喜

天時不可必水旱何能齊惟此飢溺心黔黎想共知屢  
勅守牧臣毋詡豐亨詞苟存文飾意有司職遂虧一遇

賑恤行寧濫毋或遺今年被恩早連接甘膏滋王畿千  
里間盈隴翠色披所願遍寰宇時若皆如茲而奈南北  
殊如願安可希豫省苦春旱封章早閱批自此望洛雲  
戚戚常在懷叶每對時雨降卜度凝雙眉知近而忘遠  
彼民其恃誰首夏月將望時四月十四日嘉音自南來叶連朝  
盈尺霑芒種剛及期禾黍既種襄麥收仍半之真堪喜  
不寐益勵乾惕思

洗桐

入夏桐影圓童童覆階祀清吹與疎滴時送紗窓裏何  
來白乳流偏不於柳杞污膩綠玉皮漸漬青絲理呼童  
汲井華澡雪一為洗特生意灑然不潔去西子黃蜂辭  
條端白鶴來枝底乃知聲應間理固有所以既無待鳳  
懷亦豈因琴毀古人有同心竭憶倪高士

雨

四月十九日

剛覺炎風近日偏晚涼送雨竟宵連天公曲意隨人意  
農事今年庶有年頻聽簷聲疏復密每霑膏澤惕逾乾

為欣麥秀禾滋候歌枕何妨鎮不眠

涼

夏初非暑候節序宜清和胡為驟炎蒸驕陽勢漸頗前  
宵密雨霏昨日爽風多旋轉何神速曉涼切庭阿年來  
晴雨間厥徵幾研摩探節復數時謂比農夫過此雨實  
靈雨不惟滋麥禾煩囂一以滌更復蠲百疴近圃殷紅  
芳遠山湔黛螺稍慰祈年心平秩驗南訛

望西山山色

西山去此園尚餘二十里每從樹杪看近似在盈咫常  
年春夏交望雨愁不已峰容翳塵霾不敢向西視今歲  
何厚幸甘膏四野被禾黍咸佈種草木皆鮮美肆目眇  
西山蒼蔚綠如洗蒙者滌而明茁者菁不萎乃知造化  
功澤物無彼此

乳燕

雕堂翔乳燕首夏復平分絢練梳新羽頡頏逐老羣掠  
空懷棟藻窺戶妬簾紋一種供叅翫梨花是夢雲



白絲行

陌桑已堪春蠶老春蠶作繭圓且好縑絲織帛代精工  
忘却西陵奪天巧西陵豈識錦繡段踵事增華吁可歎  
世間萬事率如茲我亦因之悟文翰知我罪我皆春秋  
權輿錦繡原馬頭設使世人不尚帛沸鍋誰解白絲抽  
白絲蠶口之所吐自縛自戕還自取何如菜子出青蟲  
花間常見春駒舞

顧定之新篁古石

櫛蟲文簞四五梢斜抽新筍尚含々夏侯貨殖何須數  
却愛凌風綠玉敲

題梅道人洞庭漁隱長幅即用圖間原韻

木葉微飄秋興生牢騷意與大江橫閒鷗最是忘機者  
也識煙波釣叟名

湯泉新荷

別浦田田纔見葉溫池灼灼已開荷寒暄誰令殊所托  
遲速因之異幾多破曉攜來承瑞露停風對去展晴波

沸湯無礙清涼性試看心蓮演梵那

新蟬

柳岸維舟俯碧潯新蟬送響出濃陰前身應是粘枝蛻  
今歲初聞隔葉音聲遠居高欣所託暑來寒往動關心  
無多不得其平意嚙嚙何緣鎮聒林

香山

我初遊香山朝往暮歸偶因循不能捨復厭勞奔走稍  
出內府資買地垂百畝山僧飽囊橐而我足林阜一舉

兩得之香山宛我有就岡導漫乳面嶺開踈牖愛貞植  
柏松惡脆棄蒲柳修葺未經年成園已斷手時來駐清  
蹕輒與周旋久林紅霏春深隴綠蘇雨後探節復數時  
課無而責有借問園何名靜宜藏詩數

首夏香山雜詩

松風忽作秋夏山已如滴戛然孤鶴鳴響過柯亭笛  
好山如道人益我良不少几硯欲生雲緣在青雲表  
嵌竇淙靈脈來往供挹注時出英英氣甘膏徧霑澍

今年獲雨早峯翠濃欲蒸指點青蓮朶時時信步登山深見越遙豈在遮林木近隴復遐町滿意芄新綠豁然天宇暢因之眼界寬時有山風吹泠泠衣袂寒山花不識名山鳥兩三聲物物皆自得吾亦暢吾情玉筍倚天關煙蘿霏澗戶山雲傍晚濃釀作清宵雨

夜雨

麥秋禾夏際所靳雨澤時昨者稍炎蒸霑灑薄已滋茲復越七日切切心靡夷田原縱未亢頗待甘膏垂山雲

傍晚濃長松點千絲聞聲固已佳見勢心更怡轉恐萬  
竅號忽焉風散之因憶常年間夏至獲一犁已是額手  
慶晚禾尚及期今歲被恩早頗生望蜀思人情率皆然  
誰能造無為

玉泉山

香山留信宿畧暢煙霞意御苑返凌晨總此乾惕志玉  
泉東道主路便供清憩况茲林泉佳于焉一停蹕軒齋  
舊所建延訪何拘地傳餐命衛士問政除羣吏勅幾時

復暇攬結成幽寄  
蒙茸蘿薜煙蒼蔚  
髻鬟翠黃鶯隔樹  
聲白鶴梳風翅招提  
鐘魚答靈湫  
蛟龍秘泛濫  
鷗波縐蕩漾  
木蘭試學飛  
乳燕驕逐隊  
潁魚醉天機  
寓所會物性  
從其類  
據石讀前題  
忽作經年事

熱


甘膏剛喜被公田  
近覺驕陽勢漸宣  
赤帝炎風毋乃過  
北方好雨總稀連  
曾何十日心舒也  
所務三時理固然  
少讀子車今擬易  
迄無後樂祇憂先







御製詩初集卷四十



總校官庶吉士臣侍朝

校對官編修臣朱攸

謄錄監生臣周燮

欽定四庫全書薈要

集部

御製詩初集卷四十一

二

詳校官原任編修臣徐立綱



欽定四庫全書薈要卷一萬三千三百十四

集部

御製詩初集卷四十一

古今體八十九首

丁卯五

復聞河南得雨

卷四十一

夏初欣時雨感眉遠為商洛憂

彼時河南望雨

遍聞屢霑

差少慰望雲日夜頻增愁彼處麥收還過半起種禾黍  
芄如油此則十日期已迫况兼二麥難為秋眼前得失  
紛塞馬而我切切無窮休亦思所戒不知足其如億兆

衣食謀入孝出弟民風淑要先養欲與給求一夫不獲  
予之辜燮和無術其誰尤嗚呼燮和無術其誰尤安得  
宜雨而雨宜暘而暘遍我寰宇長蒙庥

題曹燮音山水十二幀

春山新霽

春仲田盤六轡紆千峯雨後翠模糊倚牕竟日拈吟處  
不意今朝入此圖

層巒疊翠

隱軫溟濛逼太行山容霍霍樹蒼蒼恍疑曉事黃公望  
是幅法黃公望為我讀書開草堂

蒼山飛瀑

畫家誰不寫飛流箇裏神筌未易酬約略指南叅活句  
聽如有響望如浮

秋江漁隱

蘆荻蕭蕭霜葉新闔閭靜對水連淪依然石室磻溪側  
復見當年跼餌人

山靜日長

佳話從來說霍林巖居清事足幽尋日長山靜人爭道  
誰識景綸太古心

秋林亭子

寒篠枯槎間幾株夕陰朝靄萬千殊無多丘壑有多趣

妙處天然是老迂

是幅法  
倪瓚

攜琴訪友

廉折和平理可觀高山流水感多端相逢底用班荆論

便向松風深處彈

夏山聳秀

山川繆結樹扶疎大似王家一筆書最愛濃青剛過雨  
白雲旋復罨林閭

古木竹石

老榦槎枒恠石癉幾梢煙箒間而生抗懷擬謝柴桑老  
不與凡柯共向榮

秋江晚渡



坐待舟人不可招打頭楓葉落蕭蕭滄波阿那邊何處  
便是江南廿四橋

烟雲蕭寺

瀟湘烟雨舊稱奇

朱友仁瀟湘圖畫  
禪室中上品也

尺幅偏能髣髴之

秀發峯姿含潤漚招提結夏放叅時

羣峰積雪

卿家知白真知白

是幅倣  
曹知白

慣與乾坤作粉粧那待置身

圖畫裏望中已覺十分涼

端陽日漫題

將謂今年過舊歲却成舊歲勝今年

去年以閏三月廿八日得雨繼此則

甘霖時沛雖二麥歉收而秋成大有今歲以三月廿五日得雨四月望以前連得膏澤麥收秋成均有可望乃自四月望以後至今望澤甚殷麥收亦僅似去年而大田尚不知若何云榴紅蒲綠都無色  
稻下黍高俱可憐郊外正須盈尺雨溪邊漫弄九龍船  
自慙涵養功猶欠每值憂勞輒忘眠

再疊前韻

略舉為君難一節較晴量雨正年年況逢亟待恩膏沛

何暇閒將景物憐祈請輒教先比屋委輸安可恃方船  
那當假得洞庭銜鞭起雨工不放眠

佛手

八閩風候暖佛手出冬花秀質含霜淨幽香度嶺賒却  
難稱色相似欲攬袈裟不必標全月清涼本一家

麥秋

北方春旱多十年而九矣今歲邀恩早額手稍慰喜二  
麥綠芄芄餅餌饒堪擬翻因鑒常時種少自咎爾

常年  
春旱

多農家戒此而種麥少今歲春雨佳故春夏  
之交多有以今歲麥必豐收自咎種少者

曾因課農

便聞諸農家子更兼高下田黍稻皆蔥美受寵宜若驚  
盟心恒自揣無何首夏半浹旬缺甘雨叶麥乃如去年  
臨秋漸黃萎乃悟得失間反掌誠幻已所得憂不多失  
得憂倍蓰展轉繁憂中害其有底止慰意倏已過愁思  
紛縈起既用凜天譴還因格物理

陰

五月  
八日

油然作雲勢磕爾喜雷音坐起難為意跼蹐空復吟畏

風偏動葉障日已霏林安得傾盆沛舒予渴望心

偶閱今歲詩稿率題

今年未度半年期慰望凡三屢閱之

正月望雪繼望雨二月十五以後雨

而少慰三月十五前後復望雨下旬至四月初雨足而大慰四月十五後復少望雨十九日雨而復慰凡此皆

有詩至今則祈歲要哉他豈慮劭農性也那能移歉豐又復望雨云

未定三秋寶欣戚憑裁數首詩刻下甘膏亟相待知何時是放懷時

風

稍有雲生風便隨彭怒猶然鎮堀堞須臾雲散風亦息  
豈伊有意教坎坷風則靈矣究無藉雲胡為者任其簸  
三春少和今復狂想爭例事偏愁我

微雨

過午鬱蒸消息佳久旱雲好思杜甫彼人臣也猶為民  
况我覲然為人主燮理乖方災歎多此責誰諉縈憂緒  
旬爾雷鳴日掩光獨臨階祀頻延佇細點纔零驟霈沱  
額祈盈尺興苗雨須臾雲薄風散之益增展轉愁如許

夏至齋居

元祀儼將臨遷坐凜明旦讀卦玩金柅撫時卜石燕豈  
惟例徹樂早已敕減膳修省切衷獨愧以諭羣彥驕陽  
烈中天炎風蕩廣殿廣殿清嚴所尚不禁燭暎傷哉彼  
稚苗待澤亟隴畔日暮未興雲翹首益增歎

夏至日躬祭

北郊

敢辭炎暑為身謀

方澤躬親祀事修況是常年蒙

厚貺

憶自雍正十年以後屢蒙

皇考命恭代此祭

及乾隆元年至今歲歲無不親行又北方春末夏

首亟望雨澤率於夏至前後獲雨今

歲得雨雖早而至今又待澤甚殷

益教此日籲

鴻庥侑筵遞進

思文帛房俎初登大武牛望瘞不遲韶樂振

廣壇誠意有餘留

憶昔

憶昔



膝下時依依切孺慕北方例春旱歲歲煩

聖慮殷憂每先期賑恤籌補助常見傳六膳有時忘下  
箸竊謂愁勞過欲慰意轉懼微誠荷

恩鑒首肯無訶怒恒於祈請所

命代申忱素豈知

慈愛中誨訓于茲寓今為切已事早嘆况頻遇任同

德霄壤慚畏日增遽敕幾戒終怠調元愧六幕叶稍可

自信者良心尚如故

北郊迴鑾途中紀事

歉秋老麥全無色待澤新禾強半垂烟隴一番膏雨後  
頓教人憶去年時

陣雨

陣雨雖屢作艱致渥且優前朝齋法宮傍晚雲脚浮點滴  
只頃刻旋成霽景收次曉自御園有來內侍流問彼以雨  
勢咸云覺稍稠昨因大祀旋園林卜鳴鳩頗覩油然興曾  
無霑爾酬詰旦理庶政召詢卿尹儔告我昨在京眼見盈

澮溝奇哉彼雨工何獨無緣投豈其果有意避我如相  
仇欺飾中涓常于彼奚深求國是夙所倚不宜遂悠悠  
或者欲慰我我寧易慰不匪誠未足信誠然益可憂

曉涼

一雨將成仍不果頗覺曉涼切青瑣涼遲雨意熱固佳  
又懼驕陽勢如火日甚一日百憂煎展轉思量無一可  
董其昌山居圖兼和其韻

濃淡天然實間虛林壑深處辨烟墟詩成屢縮操觚手

為對香光劍舞書

柯九思竹石

抹月披烟迥出塵  
櫺櫺倚石矗新筠  
為思愛竹洋川老  
一寫精神便逼真

詣黑龍潭祈雨

孤懷仍夜月卜候慶晨霞

諺云晚霞晴早霞陰屢有驗者

敢謂一誠格

其如百慮加瀆煩虞不告澤沛興無涯細點隨歸轡心

希消息嘉

批宣化奏報得雨摺漫題

火種刀耕瘠苦州及時得雨庶登秋因批欣慰旋停筆  
却望中天慰變愁

雨

五月廿一日

急風驅殢雲倏忽天際馳剛憂望復孤翻幸密雨隨始  
看迷遠山旋覺濯庭枝沛然作盆傾簷響明珠垂所惜  
時不久纔得二寸滋東西十里外來往人之辭云已十  
分霑此事吁可奇昨自龍潭迴龍神果有知應無遠近

分豈其偏所私

黑龍潭左近亦報透足

繫予德誠薄示警固如斯

而民其何辜輒以災歉貽予向曾有言譬之方伯司愆  
尤設自召亦惟懲罰之詎因彼一人罪民夫豈宜疾痛  
呼父母

皇天尚鑒茲連朝固難異盈尺庶可期聞之田家言秧  
苗遇旱時其根至黃泉不雨猶可支雨不霑且足助長  
翻成萎根或至中斷神農難為醫展轉悟政理屯膏我  
不為

欲雨

欲雨難為意，延俄轉怛忒。  
先虞風復作，稍幸日全韜。  
禱向明神切，心緣區寓勞。  
原田將坼兆，顒望沛恩膏。

雨

濯枝纔作繼，盆傾聽屢垂。  
堂望倚楹却，幸黍禾今立。  
起果然

天地有權衡，生衣乍可涼。  
微切翠簾還，欣氣頓清自慰。  
自慙還自勵，漫因憂釋志。  
旋盈

愁經幾許慰如之始悟憂欣總自貽但似去年亦足矣

誰教初望乃過而

春夏之交較舊歲得雨為早故常有今年勝去年之句無何而望澤轉殷

麥仍歉收及今始得膏澤但祈此後雨暘時若得似去年即為厚幸云

雲容屢視疎濃處

雨力頻量寸尺時患失由來勝患得邇曾有喜近臣知

### 詣黑龍潭謝雨

前朝詣靈潭願禱異微感細點隨歸轡傍晚雲容黠陣  
雨中夜零所望猶覺飲曾未踰三日霑霈盈溝坎茲來  
謝神貺農事沿途覽稚苗如助長肥緣朝冉冉詎即希



歲豐乍可弭旱歉叨佑良已多能格吾豈敢

初遊大覺寺

靈淵謝神貺古寺問佛津趣此山路便况逢雨霽辰清  
爽拂人面微風襲草芬禾黍連遠村勃然生意新賜臺  
是寺山名也最高峰未到意已欣迤邐入林廬便與步法門

石橋似虎溪菡萏搖漣淪一一蓮花上疑有天女倫月  
相巍殿中調御信獨尊雲湫洩山半下注如垂紳循流  
登其巔乃至水之源不溢亦不涸徹底石粼粼時復見

泳遊故知非凡鱗稍憇白板室洒然誠絕塵鳥語似談  
梵樹影全標真擬叅大覺旨翻歎語句頻

是日復得詩四首

上方遠塵市古蹟冠祇園

西山名利甚夥而是處為最遠亦最古而幽

林裏

纔尋徑橋邊早得門毒龍知己制伏虎宛然蹲

門內二石俗名

卧龍一撫松陰碣

是寺

出資新葺

皇考在藩邸時曾送伽陵和尚入院

心驚電

影存

遠公白蓮社勝槩至今留

門內石橋俯波有紅白二蓮盛開

耘鳥覩浮

辦經魚集仰流到山如入畫當夏似披秋膏澤欣霑被  
詩機得少酬

傑閣橫霄漢金容泯古今風幡底叅偈泉石此娛心隱

楯窺明鏡循巖聽暗琴

寺後嵌隙淥泉匯為方池引其  
流自岩而下凡僧寮香積無不

周從來耽靜地是處暢幽襟

好山能作雲為我倏氤氲變幻峯增態色空意總欣伊  
蒲何用飽淨茗一為分小憇禪房靜青楓送秀芬

夏日香山

雨足心懷得少閒  
輕輿乘興到香山  
靜聽玉乳淙新脈  
愛看烟蘿濯翠鬟

望中雲樹杳難分  
步步幽芳遍野芬  
應是山靈知客到  
旋從樹杪暫開雲

我到香山如讀書  
日新境會領徐徐  
朱樓延爽當風峭  
綠野含滋正雨餘

鶴林玉露有名言  
即景因思一陟樊  
興洽路旁肥綠稻  
憂忘階下茁金萱

皐塗精舍作

香山固絕佳精舍佳之最盤盤歷歷蘭磴童童蔭松蓋九

夏清涼地三秋廣寒界

是處畜桂為香山一景

坐來衣袂寒望裏

心神快禽音佛真偈雲容山變態應接了不暇妙達有

餘會

望玉泉山

我初遊玉泉雲巘固已陡今自香山看如崩栽培塿乃

悟境無窮學問戒株守萬殊理則然擴充吾何有

雨後

雨後山泉壯津津吐靈脈香發垂簷花潤逼依垣石珠  
聲咽雲竇帶影拖嵌隙三春望澤時一滴難為益雨足  
可無藉偏覺溝澗窄何如彼滄海不涸亦不溢

叶

雨香館

蒼蔚林扉秀端知與夏宜山風常送處霧雨不拘時鶴  
瘦松得友苔圓石點棋坐叅兼倚詠奚必句多奇

雨香來鼻觀真合獨稱靈遠壠蓬蔥綠高峰樸亞青潤

疑逼衣履秀每罨牕櫺落落長松下因思劉茯苓

題曹夔音江山秋意圖

翠壁丹楓處雲間天澹時片帆隨日落秋意與心期曲  
棧千尋俯危樓萬里披捫參攀蜀道回首重遲遲

丙宅行

丙宅鱗接西山下若堂若斧胡為者豐碑負負森棟笏  
像設縱橫礙行馬我偶披徑問招提田舍翁言鄙可思  
云非巾幘埋香所亦非台衮騎星遺前代貂蟬竊威福

富擬公家積珠玉苦無孫子可貽留高墳不惜金貲築  
我聞此語吁可嗟視之誠比長陵奢剝下陵上有如此  
千秋興廢縈懷賒甫節魚童車戒凜未若朱氏為尤甚  
洪武家訓夫豈忘祇以防微術未審生殺予奪誰所操  
由來罪不在若曹太阿倒授斯有漸門生天子徒悲號  
六月朔日自香山遊聖感諸勝即景成詩得五十

韻

太行分秀幹永定貫陰精

燕都之山皆自太行發脈永定河自塞外來夾兩山之間



出石景始  
入平陸

孕鬱成靈局崔魏護帝京天開丹地迥日照

紫藻明萬馬相奔突千支各拄撐一峯尊華嶽八景冠

燕城最愛香山好因之別業成常留雲館蹕便閱黍田

耕新喜霑膏雨餘閒趣快晴簡能延吉士咨采接明卿

是日引見吏  
部月選官

適可驅輕騎奚須建翠旌欣飛頻訓諭綠

剡戒縱橫碧漢翔雲點青椒爽籟迎蘭衢何宛宛桂埒

此行行谷口分泉澗村頭輓草坪指南仍未改

是日出  
香山南

闕折而西度嶺而北始至  
聖感是時猶向南行云

記里任徐鳴丙宅雄堪詫貂

璫橫可驚

西山明代寺官墳墓甚夥專橫至此國事有不日壞者乎

明明懸炯戒

厯厯入吟情西轉登盤嶺北瞻闢霧棖遙知景所曾未

到意先平晻靄蒼林合逶迤白道縈人楓將鳳柏白芷

更華萃似阜似堂接如宮如畝并岵岵殊崩方礫礫競

崢嶸澗雪聲猶壯松濤響自鏗聒枝爭鳥雀跳樹擲鼉

鼉既狹方開豁如夷復律崢隔巖標窄堵攀磴俯翬甍

信是羅延窟巍乎象教程梵音海波動寶相月輪呈

頊藻還輝斗堯嶢擬見羹

聖感寺內多復有賜海岫

和尙

聖祖賜匾最御

筆條幅

松軒因小憩綉壤一迴晴信矣神都麗煌哉天府

宏富加惟強教泰保惕持盈行漏催傳箭歸輿旋委衡

寶珠遲展眺

寶珠洞在聖感之上是日未至

法苑舊騰聲蘿磴原堪接

蓀蹊那礙生靈源淙磴隙幽處結株楹

由聖感西南行下山墜為龍王

堂有泉湧出

馴鴿聽經白游魚醉藻頰滴珠纔瑣碎瀑布遂

琮琤古寺棲巖迥歌簷帶石傾丹青看剝落布施孰經

營佛自圓通者時而興廢更靜觀聊遣慮遙問不知名

石逕盤紆下招提結構清

大悲寺在山腰至是始合去路云

皮經還有

閣卓錫祇餘莖素具升高志今酬望遠盟香臺霏法雨  
天樂下雲龔年小猶長日暑徂行屆庚廬溝橫蟠螭石  
景矗瑤瓊指日將登岱蒼然覽巨瀛

是日降旨以明歲  
東巡祀孔廟登

泰山

### 聖感寺眺遠

西山至此更無山故是明堂結局處南臨平楚千里餘  
况鮮林嵐蔽虧慮我詣精藍禮佛罷山齋雖小足清趣  
窮目何須百尺樓因迥為高萬景赴夙聞聖感結遐想

不見雲牕見烟樹今朝褰幌俯帝畿瀛海蓬山乃畢露  
因知見不貴拘墟天高鑒卑理則固

龍王堂

古廟山坳裏披榛磴道賒樹生剎竿石鳥啄淨懣紗水  
府石林秘香臺花雨斜所希惠時若霈澤始京華

大悲寺

林麓忽開處居然見上方松風吹袂冷山果落茶香替  
戾鈴聲靜逶迤鳥道長停鞭一回首霧靄已蒼茫

善琴者唐侃村居西山下是日過其廬因題

百戰歸來志未磨

唐侃旗人也隨大將軍費揚古出征昭木多頗有功在軍中猶以琴自隨

至雍正年間始賜副都統銜予告家居

卻耽小隱意如何臨泉興寄倚蘭

操築室情同安樂窩幽賞漫隨孤鶴去劇談常喜野人過一揮應令四山響覲面真師薤盃多

香山曉景

疎星隱碧天殘夜漸明發未辨楓柏色早通蕙蘭醇露重蜨翅低月留鶴夢歇倚楹味平旦澄觀興無竭

驟雨

殢雲忽迷南北峯驟雨洗淨峰頭松無類珠傾萬栲栳  
有情畫浴千芙蓉溟濛紫碧幻晴晦果然神妙符分龍  
須臾返照樹頭掛萬澗琴音一律同

翠峯高處置笙歌

玉華岫置法曲一部自香巖室隔谷招之奏小令  
數闋巖谷湊響非復人間絲竹聲如在武夷虹橋  
間也因賦是題

隔谷雲門奏依峯鳳吹清左招起止節曲盡澗巖情似  
降仙宮調渾非塵市聲度松添縹緲拂水致縱橫地遠  
無嫌急居高乃益宏不緣聆始作安得繹如成

松路仙巖歌題王蒙所畫

我久思題松路仙巖王蒙所作之長歌意有弗快把筆  
欲吟行復捨試語去聲巧遲拙速論詩流應有聞之掉頭

長咲者是時快雨初霽長烟收值我香山偶消夏畫耶

境耶兩適合况當勤政

香山正殿名

召對之餘幾務寡日中



必藝操刀割時不可失興會惹反愁渾渾浩浩難為拈  
亦惟就其所具天然丘壑一粗寫嶺雖險而可登磴縱  
窄而堪下峭笋天齊飛流珠瀉古木恠石支撐厝厝翔  
鴈閣於木末知誰悟乎般若盪扁舟於溪濱又誰釣竿  
之獨把曾青相蔽虧紛不辨梧櫨更愛閒閒結茅屋高  
僧彷彿東林社雄乎博乎鈴山堂之舊物而畫禪室所  
藏也

自香山迴蹕圓明園過玉泉山小憩

閒情一為步林間如滴山容過雨餘回首來青吟賞處  
白雲堆湧萬芙蕖

秀木佳陰小立遲甌香硯淨鎮相隨子西詩句閒中領  
正是日長山靜時

沙觜依微露漲痕禽音鶴唱靜中喧雲添山態生瑤嶂  
風送花香到網軒

薜蘿烟裏陟丹梯原隰平臨綠意齊咫尺林泉得佳趣  
好山何必論高低

雨中泛舟

誰解盆傾萬斛珠  
天龍遊戲祇斯須  
榜人漫慮衣衫濕  
風雨歸舟正好圖

片雲剛上遠峯連  
忽送千巖響瀑泉  
色相細參難得句  
水晶國裏小遊仙

驟雨驅雲晴亦速  
沙汀漲退綠波涵  
樹蟬聲亮荷香淨  
一綫斜陽天蔚藍

瓜

涼供厨人案生機  
園客寮來禽分應  
讓蒲鵠品先標五  
色何須炫三庚適  
可消江村思杜甫  
得句入詩瓢

題姚文瀚梧陰清暇圖

地僻門深迨暑宜  
綠梧團影弄差差  
紛陳王謝家中物  
細檢晉唐以上詩  
童子擘瓜如切玉  
胎仙啄木似敲棋  
脩然古處會心別  
豈在姬尊與姒彝

題曹夔音溪雲山雨圖

濃綠樹迷複嶺淺  
紅霞抹遙天頓覺  
風涼雨濕許渾詩

意悠然

舟過萬壽寺

西海遙遙一水通，出城偶試布帆風。

出西直門過壕橋乘舟直達聖化寺

別墅易舟循流而下，即至圓明園也。

招提平枕清流澈，真偈當前印色空。

遇淺泊之殊鈍，置乘風迅爾却輕豪。誰知到點評量處，

到即不點點，即不到。二語出法苑珠林。

白足僧人望轉勞。

荷芰香風坐闔閭，岸蟬聲亮靜聽諸。西山送雨如飛瀑，

是日舟漲影旋高幾寸餘。  
行遇雨

假山過雨應流翠

寺中假山湖石為之勢甚古

古鉢生蓮定作青望

裏因增新悟境由來意想勝身經

剪園蔬賜大學士及內庭翰林

快雨喜新晴景物無不嘉農田高下足菜圃生意加我  
偶步奉町問彼園人家攜筐爾何為采擷毋乃過此非  
稂莠比豈慮妨嘉禾老翁咲而言所賴暘雨和紅芽與  
紫葍怒生不延俄設其惜弗取過時徒老柯語良合至  
理凡事戒蹉跎分賜趁朝涼露香熨齒多變理有共責

詎止供逶迤

荷

白是銀雲紅是霞雨餘香遠透牕紗十分神韻誰能畫  
六月春光無比花孤鶯橫飛蒼岸外輕舟一繫綠波涯  
就中迥異尋常處不惹塵心長道芽

沈德潛給假葬親畢還朝詩以賜之

朋友重唯諾況在君臣間我命德潛來豈宜遽引年

有謂

德潛既老得歸鄉里可不必復來者德潛之去也朕賜  
之詩南國欣歸陸東門漫擬疏則德潛之來實合在公

之誼  
云 瀧岡表阡罷白駒來賁然即此至性肫令我俞以

憐畫錦匪所誇孝烏或致焉席前陳民瘼不負予諮延

兒輩粗知書善為道孔顏

先是德潛未到即有旨命在上書房教皇子書

### 飲金魚

金魚魚中譎可看不可食而反被人憐潛泳殊自得常

叨投餌惠訖無上鈎厄彼鷄能司晨酬以稻梁澤彼犬

善守戶敗肉匪浪擲爾魚獨厚幸恩波託太液日費九

十餅尚歎霜降迫縱不無竊饋飽食日以息

園中例自穀雨始至



霜降日飼魚九十餅然養  
魚者率竊食之故戲及云  
文采洵可觀問汝曾何德虛

糜莫甚茲畜爾誠奚益

蕉牕夜雨

種蕉滿牕外綠葉日以披所為雨中聽更愛清宵時奏  
響間簷溜吟籟答喬枝田疇既已霑寄興乃在茲瀟灑  
有餘趣疎密無不宜即境米家法何須命畫師

喜晴

雨暘其利同惟時為難矣極備無皆凶因悟中庸理夜

雨初欲霽曉煙高漸起爽風西北來天畔雲盡徙青矗  
遠峰尖紅重香荷沚高軒起碧紗一覽風物美逌却周  
宣憂適得盤古喜

率題風

東北風雨西北晴較量既久知其徵今日西北風而喜  
前月西北風而憎憎兮喜兮風不知日兮月兮無窮期  
題李世倬疎林亭子

胸中常有萬里意一溪一壑亦無窮契乎妙者倪雲林

近來董

邦達李

世倬

頗能工遠山綠滴雨洗後喬柯籟爽夏

長中笠亭四柱不為窄暮靄朝嵐面面通憶得曾經似  
此最佳處乃在盤山之幽甘澗東

題李世倬秋崖獨步

秋山一幘清秋空萬里明杖藜獨步人心與孤鴻征

伏日

短至閱三庚形家稱數伏消息萬古經何待筮而卜雲  
容常滄溟山意增潤溽樂此池上居移彼雨中竹心閒

鳥語靜風清花氣馥舊學得商量論孟從頭讀

泛月

晚風微拂暑全消漸湧冰輪天沈寥蟬噪螢流紛曲浦  
梧疏荷淨澹清宵

畫船如近水樓臺鑑影波紋面面開最好虛明叅色相  
底須絲管侑樽罍

汎激鷗波盪槩遲紅橋鴈齒座中移吟髭羸得增如許  
載月依然舊歲時

雨中荷

片雲驅雨過荷塘綠蓋難遮紅錦裳  
徙倚水亭清俗慮  
初禪堪悟色聲香

御製詩初集卷四十一

欽定四庫全書會要卷一萬三千三百十五

集部

御製詩初集卷四十二

古今體一百九首

丁卯六

賦得既雨晴亦佳

六月十八日

倦雨侵晨斂翔雲向漢徂宜暘撫佳景省歲協戶符臺  
上雄風爽曠邊積潤濡樹姿全澡雪山色不模糊夏靜  
林泉樂幾閒書史俱時哉祈一月或致屢豐娛

以詩代書存問傅龍翰先生

經時未到禁門邊  
食履多宜心泰然  
月霽風清煩暑遠  
忽教重憶講帷前

日影

日影上階基  
朱明已漸移  
扶花陰轉處  
照礎潤消時  
可曝傭書簡  
應餘刺繡絲  
電光驚代謝  
倚柱意因遲

雜花

雜花不計名  
紛敷傍錦砌  
散風蘭麝芬  
烘日雲霞麗  
勝桃李辭春  
共楸梧含翠  
不怨韶光徂  
却益夏園致  
夜來

甘雨足綠牕喜新霽  
丁星霏露英錯落垂煙穗  
品方秀而野姿縱天不媚  
叢底留蛩吟房邊遲蜨翅  
禾黍慶既霑恩膏許旁逮

螢

傍晚輝蒼岸隨風度  
玉津迴燈遙掩映腐草辨疎親  
自通身暗火傳無盡  
薪偶觀知候物為憶照書人

習射

桑弧示有事揖讓明無競  
我朝矧專長



家法敢不敬長夏萬幾餘廣場綠陰淨屏藩列宗臣世  
胄逮庶姓省括各審固用志同居正鵬羽良已端解角  
詎誇勤習旅憶文皇觀德欽宣聖

池魚

池魚鯁鯉類在藻欣潛躍雨後新漲添乘波共悠若尋  
常垂岸花仰望隣碧落載浮忽及之恣彼噉喁樂一朝  
漲痕退失意徒索莫或值池之竭濡沫豈能活叶寸木  
高岑樓孟氏言可度鯢鰲居溟海不溢亦不涸訖無得

失憂慎哉擇所託

熱

雨暘燠寒風闕其一不可天然次第間輕重晰如左雨  
暘近來叙况未西流火熱亦令所職鬱陶理則那霽潤  
逼花甄蘊隆灼青瑣畏景慢閒行習靜惟獨坐翻書古  
井汲學字純綿裏曝背耘者流雨汗勤不惰驅愁斯覺  
喜矧在高居我問其喜為何農務詢來頗九夏宜炎蒸  
乃得堅栗顆不惟益禾黍兼逮蔬果蓏聽此覺暑消爽

風來馭娑即事驗庶徵夕陽嘉樾鎖

鸚鵡

鸚鵡能人言所言自不知人讀聖賢書如書行者誰嗟  
哉人禽關其差在毫釐執簡佔畢流胡不切已思

恭讀

皇祖詠筆尖齊圓健四德詩敬依元韻

尖銳燕函貫所當無不摧大漠三巡狩樓蘭繫頸來

齊聖軼千古飛白

聖多能以禮垂宏範欽哉勗紹承

圓覆符穹昊雍熙制作詳卿雲成什後韶奏引歸昌  
健行六十載天地不言功批黃常午夜勤政是

家風

夜雨朝晴

夜雨朝晴禾黍怒生朝晴夜雨益我禾黍爾來晴雨頗  
應時渺予何德能致之黃雲滿目庶可期雖然安敢心  
遽怡滿損謙益有明訓比櫛宗壙吾至願願始皇都達

遠郡

藏紙扇

裁彼金粟牋製此清風扇圓規月之望爽祛暑方煽象  
牙徒爾為鵲翅豈所羨義之字難換董源畫或見寫我

四古詩

命董邦達寫擬古詩四首意於便面

位置法不亂王孟相揖讓韋

柳宛覲面楊柳夏池亭梧桐秋夜院動搖引逸興微涼  
生閣殿隱隱青蓮文寂寂法輪轉

王紱秀石蒼筠用圖間題者韻

疎不蕭條密不濃天然合處見文同只疑靜寫三更月  
可惜敲殘一院風

孤蠹何心待鳳儀池邊上伏雨中時移來新榦堪為伴  
翠影相籠不自持

白石蒼苔雅稱清松梅何必弟兮兄掃愁落落詩中畫  
抹月脩脩靜者情

王淵疎枝雙雀

麻雀尋棘枝鷓鴣啄華黍物類有萬殊各自命其侶老

安少者懷因之悟胞與

聞蛩

六月二十四日

季夏剛下弦晚晴風露美坐我清暉閣幽興不自己洞  
開綠紗牖天色淡於水東林月未上西谷風徐起何來  
寒蟬聲三兩鳴階砌金行蕭瑟哉涼意侵尋矣知叙物  
皆然催秋乃獨爾拈鬚憶去年莖添良有以

移竹

曲折池塘快雨晴課童移竹趣三庚宜人葉鎖牕前色

入畫竿敲枕上聲

苔滑泥融著意鋤  
纔依文石便扶疎  
甌香研淨綠陰裏  
暫遣心閒好讀書

送來滿院蕭參影  
助以依根蟋蟀音  
今日閒庭風露下  
平添幾許識秋心

秋意

秋意先秋人共知  
先秋知意果真誰  
一番快意田家畫  
廿首生秋庭裏詩  
天向淡閒無礙迥  
雲從閒處有餘姿



倚吟更咲歐陽子端向聲中構藻思

討源書屋

六月二十六日

琴齋書史暫周旋水態山容與靜便更喜快晴金令到  
從今詩意向秋偏

轉處溪橋路暗通柳陰罕地露荷紅分明餞夏迎秋候  
去歲詩懷想像中

自西海泛舟至青龍橋

雨餘漲影消菰蒲靄煙翠柳風徐以爽荷露泣欲墜清

溪達石橋扁舟輕可刺淡然天水間報我秋來意

青龍橋西

按轡蘭皋嘶玉驄香山遙在白雲中宜人隄上芳荷氣  
兆歲汀邊華黍風絡緯咽聲涼意到梧桐疎影霽光通  
半年憂慰紛縈繆未敢先秋便道豐

香山靜室作

又名香  
霧窟

幾縷徂雲讓快晴登高望遠豁虛明山深夏杪槐花落  
亂打閒牕認雨聲

攀登故覺三庚熱偃仰還消一室涼  
谷口過風全帶爽封中寫霧靜霏香

雲端縱目恰雲開一俯皇都亦壯哉  
恠底詩人愛臨賞幾多吟思箇中來

香山雜詠

近隴遙阡罨綠雲憑高略得愜清欣  
秋前峯色稜稜露雨後泉聲處處聞  
入戶山蜂常帶蜜拂花谷籟總含氛  
快晴比雪爭佳耳曾否成書問右軍

攬結都緣靜六情忘筌是處有逢迎溪如古月無心靜  
山似幽人徹骨清野果堪供消暑具山蟬別有鳴秋聲  
便當藉草為茵褥一踐烟霞契友盟

雲容空入原無定詩意紛投却有情一室之中觀四海  
千秋以上驗平生傍松煮茗山泉便對月敲碁石榻平  
待曉依然辛苦在衣冠勤政接公卿

奉

皇太后遊香山

消暑山中好迎秋樓上宜敬陪

王母駕催進侍臣詩掖輦登雲巘  
寒簾俯月楣鳥歌長  
壽曲花發駐春枝巖谷牕前罨  
町畦座裏披西成應指  
日堪以博

慈怡

六月廿九日作

高樹紛紛噪晚蟬  
趑涼閒步綠陰邊  
暑騰婪尾羈殘夏  
是日序驗凋莫判  
半年轉轂光陰直  
覺迅入詩秋景已  
甚熱

堪憐青山依舊如如體我亦因之悟不遷

香山聽唐侃彈琴

聽琴蓋如對高士必有其地與其時金風玉露新秋序

時七月朔日

谷深林靜香山陞我知妙處不能寫其能寫者

舍侃誰村居隔五里以近抱琴而來何不宜為我作高山噫吁嘻巍乎高哉欽且崎為我作流水徒觀其狀也

則湯湯蕩蕩渺復瀾忽然觸景貌秋鴻

是日彈此三曲

遵渚遵

陸羽可用為儀平生不識宮與角其理或可推而知弭

節沉吟以構思乃如絳州才子覆被無語尋新詩鏗然  
奮發千鈞弩又如重瞳暗鳴叱咤千軍之內能擐上將  
旗神來候也非人力我欲贊之乃不得其辭幼讀孔子  
書記其說關雎曰樂而不淫哀而不傷善琴者當有會  
於斯是為太始正音堪味道世間箏琵琶筑徒爾為

立秋

已知少皞傳金令更喜豐隆湊快晴此後應添閒意緒  
安排佳句咏秋清

相風臺上報西南

占云立秋日風從西南坤方來五穀熟

農驗官占信可

叅即看天高波澈處翔雲散盡鏡光涵

秋去秋來孰與為金風玉露又斯時生秋庭裏拈前句  
瞥眼翻成隔歲詩

### 秋花

春華艷而冶秋華麗以素以此較伯仲應知去取故露  
香蝶栩朝風淨蛩吟暮丁星不辨名錯雜何計數霏韻  
倚醉仙含顰待古兔池塘瀟灑處遲我蒼苔步女夷鬪



金官當場設孤注

喜晴

喜雨纔過又喜晴若無愁者喜安生始知消息皆天理  
要識隨遷盡物情目共高空抒遠興心同野老盼西成  
可人西北風來爽靜聽催秋銅雀鳴

荔子

勝得安期棗籠來閩嶠雲清心涼除暑  
暑熨齒軟含芬

去聲

玉局風流邈君謨品第分不須愁內熱標格已堪欣

爽

金風下閭闔峭爽澄空宇  
迴眸睇碧虛徂雲無一縷  
迎來滿意秋餞却殢人暑  
應觀築圃場即聽發砧杵  
揮毫覺異前瀟灑增如許

新秋月

萬里絮雲收纖阿素綵流  
半韜飛漢鏡直掛釣詩鉤  
樓角梧桐淡墻根蟋蟀稠  
坐聽兼倚望耐是獨宜秋

佛手

分明全體示華嚴色染絀雲靜馥恬自是大千歸直指  
本無一物可中拈

紅蓼

照水蓼花紅秋光瀟灑中晚涼蟾閣影野岸鏡潭風漁  
火疎明穗蛙聲間出叢何須寫生手吟倚興無窮

七夕漫作

皇天特重耕織事思以垂象於三光日月東西輪轉更  
無暇乃付麗天星宿一為織女一為牽牛郎試看織女

機絲萬古無停歇詎其所重錦七襄世間粗帛大繭皆  
所遺風人何謬云不成報章牽牛示人耕作苦烏犍終  
歲居其旁夫耕婦織並勤力星猶如此人其敢不覆今  
夕乃七夕未能免俗聊陳供養設酒漿嘉禾瑞繭非所  
願但願比戶寒得衣飢得食各知重農桑豈學人家兒  
女子筵前咄咄訴衷腸

秋日西直門外

效二  
韻體

愁雨久已屢愁晴昨乃過高下既均霑開朗實亦嘉素

宇淨襄雲遙峯矗黛螺習習披襟風垂垂施架瓜絡緯  
吟露叢熠燿輝蘭坡即看築場圃稍異盈室家好生天  
地德惠我黍稌多念彼三農夫勤苦孰與加玉食而衣  
衣勞心理則那有秋庶可期半歲縈懷賒

秋日承光殿

月宇鳳城西金鰲雉堞低荷殷紅錦繡水淨綠玻璃氣  
爽天原近基高漢與齊秋風俯太液素節已堪題

秋曉

曙色依微辨網軒  
碧梧朱鳥淡無痕  
蛩迴蕉夢風迎面  
鳥重花枝露浥根  
秋意頓教人灑落  
旦心默驗理亡存  
詩吟工部消閒興  
白帝烟光近可捫

覺生寺

禪關郭外清  
小憩喜秋晴  
樹影疑翻貝  
鐘聲偶發鯨  
塵心何處著  
畫意逐方呈  
一叩三乘演  
誠哉善覺生

金錢花

可校還勝都內買  
笑應過沈郎設  
遇清談夷甫許  
教阿

堵繞床

唐寅後赤壁圖

幾曾高處不勝寒  
切顚危峯俯碧瀾  
逡巡二客相評度  
擬向層霄以上看

王翬晚梧秋影

葉葉露纖纖  
秋光一夕兼蕭疎  
偏入牖颯沓正捎檐  
幽賞殊未已  
清機宛可拈  
當前相印證  
舉首見銀蟾

泛月

傍晚翔雲淨碧天天光波影遠相連初銷殘暑寒猶未  
載月平湖一放船

清風徐來波不興賦才玉局句堪稱漢邊疑見浮槎影  
人在玉樓樓上層

畫屏銀燭兩無藉蛩語螢輝俱可憐最是良宵方寂寂  
依然佳景自年年

蘆花叢裏白鷺飛飛入浦烟帶影歸岸轉舟行月過午  
湛湛涼露濡人衣



秋日數庾信體

金行逗淒辰玉掌流清露黃姑橋駕鵲素娥輪顧兔繁  
英艷幽階疎影入高樹螢火耀餘明蟬聲憶前度燈牕  
編可窺紈扇風不妬年盆擣衣圖杜甫江樓句義和靜  
裏觀澄景閒中注

晚晴落照

但雲傍晚收返照入崑樓葉底明喬樹山尖駐赤旂  
風稍覺慰駒影漫增愁孤鶩齊飛處高才憶絳州

秋日即日用唐太宗爽氣澄蘭沼詩八句為題各

賦一首

有序

日行西陸和仲平秩之辰律中金聲少昊白藏之  
候旻天高而氣爽潦水淨以風清蟋蟀宵征雁鴻  
霜至豳風七月占星火而念授衣南畝三農侍倉  
箱而觀登穀是以對時育物有重斯焉因之望古  
興懷不無取爾依文皇之舊作成素節之新裁截  
咏八言各為一律

爽氣澄蘭沼

欲識秋來意先從水面看  
蓼風奏微爽荷影蕩輕瀾  
鏡朗遊鱗避紈鋪宿鷺安  
長天正一色誰掛月輪團

秋風動桂林

我愛玉華岫  
馱風穗穗黃  
露光溢翠幕  
鷺嶺貯天香  
鼻觀參離合  
生機介暑涼  
輪囷枝葉好  
修斧恨吳剛

露凝千片玉

徹夜碧虛淨  
侵晨玉露鮮  
花承團復碎  
草拂墜而懸  
羣

列藍田秀分來金掌圓長秋多怨女何事獨求仙

菊散一叢金

飲泉仙致壽布地佛稱尊風裏香欺麝階前色奪萱松  
篁堪結友蜂蝶早銷魂五柳非貧士全勝金谷園

日吐高低影

百穀候西成義車湊快晴莓階銷潤溽梧閣朗晶明霞  
影依山寫蟬聲擇樹鳴時暘慶閭闔今古望年情

雲垂點綴陰

金韃剛秩序玉葉巧垂陰  
晃日渾如幻牽風似不禁  
虛明觀聚散天地效浮沉  
不必登臺望聊成點筆吟

蓬瀛不可望

鬱鬱方蓬境傳聞真不真  
齊人談扼拏漢帝望勞神  
疎索林泉地淒清風露晨  
何須餐九轉坐看海生塵

泉石且娛心

澄披露石水涼試過泉  
風素節登臨候秋光慘澹  
中扇情辭枕簟蟬韻老  
梧桐底覺娛心處黃雲遠  
近同

中元日燈詞

風清月白好秋時  
燈事兼饒競水嬉  
仙術無勞殷七七  
金蓮萬朶燦瑤池

薄日微涼逗秋夕  
波光燭影照溪軒  
倚吟景物閒評度  
只覺中元勝上元

梵唱于闐蘭簫鼓  
高液池風定閃金濤  
空明水月難成句  
却憶髯翁屬賦豪

秋日恭奉

皇太后巡行塞外曉發圓明園即景成什

拂曙行旌發金天  
湊好晴有風皆遞爽  
無露不晞明野  
水溪邊退塞山  
馬上迎

大安欣奉處觸目慶西成

塞堞倚層巒遙遙雲際看  
整輜塵淨路策馬潦收灘  
纓犬思馳足韝鷹欲奮翰  
時巡古有制詎是重遊盤

三時勤望歲歷覽夙憂舒  
黃已禾堆圃青還菜繞廬  
花邊蜨引轡樹底鳥窺閭  
得句催賡韻鄒枚在屬車

長空莽霽烟柳外聽鳴鞭秋色真佳矣農功庶慰焉風  
清人意適川濶騎行連閱塞兼修武

仁皇丕烈傳

過清河橋

長虹飲明波遊龍連萬騎景物紛蕭颯菰蒲靄蒼翠扁  
舟底用呼輕裾已可試發軔塞北行入畫江南意魚躍  
破渚烟鷺飛點蘆穗俯仰對空澄即目愜幽思回憶前  
度期忽作經年事



陣雨

陣雨頃刻長空過遠山返照明煙螺止頓剛覺午熱劇  
蠲炎送爽良已多牧馬長鳴列帳淨何況實粟盈晚禾  
興來擬易髯翁句行路不怨農夫歌

懷柔縣東疊舊作韻

古縣枕平臯襟帶山河美往來幾度間總在高秋裏柳  
陰罨翠涼蘭陔循迤邐近隴復遐町維糜亦維芑爽挹  
金風吹潤宜玉露靡西成指日臨倉箱庶可擬憶我前

歲秋取道亦於是長途閱歎收日夕愁無已此地稱較  
可周遭祇數里今年實厚慶美不勝屈指豈其考農經  
邀豐符祭癸都緣造物仁綏屢幸致爾教養有相因切  
切念以此盈虛遞轉運慄慄更憂只九穗亞莖生白雀  
食蝗死德感我未能惟勵志不徒來來守牧臣莫道豐  
年喜餘三有後謀我爾其曷以

曉涼

露氣曉濛濛征衣怯峭風柳絲看變綠旭影愛披紅馬

驟神增爽鷹揚勢益雄  
午暄停蹕後更喜協田功

密雲行宮晚坐

繞砌霏繁英梢檐蔭喬木  
景物會清秋好供一駐宿  
螢明今夜牕簾捲昔年屋  
灑然片刻閒書史隨意讀

九松山

喬松無萬鬱雲顛何事山  
名以九傳望中隱約扶青顚  
就裏尋常生紫烟

中峯迥絕勢亭亭列巘欽  
崎太古青最愛午鐘林外度

每教清蹕澗邊停

曉月

驛路馬嘶秋山店鷄鳴曉玉輪已就缺清光猶帶皎野  
水明溪頭涼颼蕩林表依微蘭埒辨絡繹緹騎繞隨時  
愛景光寄興殊不少

攬勝軒作

瀟灑岩齋小憇遲青楓露冷曉秋時鳥啼花落自無住  
此日前年了不移遠挹峯巔涼翠合平臨天半培去聲風

吹朝嵐空入殊難狀却訝山靈能爾為

出古北口

繆尋遺蹟問燕秦埤垧棲荆雉堞堙不信匈奴號驕子  
端知嬴政是癡人懋遷已見閭閻富勤樸還蘄俗尚淳  
百歲熙和經外戶黔黎欣奉屬車塵

潮河橋

出口風增峭臨橋水疊波常年度清蹕昔日此潮河荒  
戍縈烟荔山田茁雨禾名言思守德觸景畏心多

常山峪行宮即景

捲幔秋光到座邊  
雲開為我矗青蓮  
步苔衣濕蛩吟露  
望坂楓香鹿叫烟  
自是林泉多蘊藉  
依然書史得周旋  
饒他只有松陰鶴  
夜夜空山抱月眠

讀書效朱子體

古人曾有言  
力學如行路  
設不進一步  
即為退一步  
高秋駐行宮  
清暇鮮幾務  
耽書有宿緣  
娛此深山暮  
即景自體驗  
未覺勝前度  
跼蹐生愧慙  
空復尋章句

行漏

塞北燕南隨境別風晨雨夜報時同因之悟得相應處  
只在尋常不息中

題慎郡王山水小景十二幅

梅溪

幽夢到羅浮春風入蓓蕾虛舟本無繫泛此香雪海

桃塢

白屋幾家靜紺霞萬樹春不教花逐水恐引問津人

春泛

前溪新水生後溪烟柳橫來往東風裏心隨一葉輕

觀瀑

飛流落危峽凭欄俯平楚天地不藏機色聲無著處

雲嵐

千章樹影濛萬疊山容活妙領米南宮此間得衣鉢

賞荷

朗開徵士牖閒對君子花霞標徼瑞露鏡裏吐天葩



山寺

棒喝臨濟宗幽寂雲門寺青鞵布韞來知復誰家子

梧月

古月不速客高梧有脚秋鶴夢清宵冷幽人正倚樓

霜鴻

攜得塞垣霜書空三兩行蘆花眠不穩却為憶衡陽

紅葉

錦樹經秋絢如燃不著枝相對停車客司勳字牧之

雲棧

劍關天外矗磴棧雲中繞誰復嗣青蓮抽豪吟蜀道

雪溪

天沉玉峯外蘆重凍溪邊破冷方蘭棹惟應訪戴船

駐蹕喀喇河屯行宮偶作

昭丘結宇敞軒楹贏得嵐光四面并花冒露開剛席展  
山迎客到正秋清雨霏繡壤禾添馥風度單椒樹有聲  
一路西成經快覩得教巖館暫怡情

灤陽別墅

玉露金風候背山  
臨水居捎簷青筍籜  
菴牖紫芙蓉泉  
響尋源聽詩成鑿壁書  
名山有宿約隔歲一相於

湍流無畧約濟渡一舟通  
每到消塵念從知秘化工  
川巖獨鍾秀天地不言功  
欲學軒轅訪瞠乎拜下風

小金山


楓香松翠早秋朝  
縱目長天淨沕寥  
更愛笠亭臨絕壁  
便扶朱楯度飛橋

座席常隨嘉蔭移山風送爽颯纖絺隱蘆鷗鷺窺垂釣  
擲樹鼪鼪聽詠詩

玉筍平陵架小亭好山常占四時青閒雲不繫悠然影  
野卉無名越樣馨

日照孤峯生翠烟灤河水共碧空鮮寄語山靈好看待  
莫教佳景讓江天

御製詩初集卷四十二



總校官庶吉士臣侍朝

校對官編修臣朱攸

謄錄監生臣周燮